

Kuzê ki ta gia Asesu di Línua na Mérka?

- Títlu VI di Lei di Direitus Sivil, 1964;
- Lei di Merkanus ku Difisiênsia (ADA, 1990)
- Lei di Kuidadus asesível i Sekson 1557 (ACA, 2010); 45 CFR 92.101.

Kuzê ki ta mutiva Asesu di Línua na Mérka?

- Más di **830** línua faladu na Mérka
- Más di **67M** ta uza un línua ki é ka inglés na kaza na Mérka.
- Más ki **26M** ta konsideradu ma es ta pâpia inglés ku limitason.
- Más di **1M** di pesoas surdu na Mérka; Otus más di **9M** é konsideradu ma tene difisiênsia na obi.

Kenha ki leis di asesu di línua i bon kumunikason ta aplika na es, na Mérka?

Si bu ta finansiadu pa governu federal ô ADA ta aplika na bo, bu meste fornese asesu di línua sen kustu i bon kumunikason pa pesoas surdu, ku difisiênsia na obi i pesoas LEP.

Kal ki é kes línua más faladu na Mérka?

Spanhol, Árabi, Xinês, Bengali, Vietnamita, Korianu, Hmong, Ukranianu, Dari, Farsi, Pashto i Polaku.

Direitus Legal

Pesoas Surdu i ku Difisiênsia na Obi i kes ku limitason na pâpia ô ki ka ta pâpia nada di línua inglés tene direitu di kumunika ku nhos na un línua ki es ta intende. Kel direitu li ten bazi na Títlu VI di Lei di Direitus Sivil di 1964, na Sekson 1557 di Lei di Proteson di Pasienti i di Kuidadus asesível, na Lei di Mérkanus ku Difisiênsia i na otus lei di stadu i federal relevanti.

Responsabilidadi Legal

É un izijênsia legal ki kalker entidadi ki ta resebe finansiamentu federal pa kalker un di ses programa fornese asesu di línua signifikativu i bon kumunikason através di servisu di interpretason i traduson pa pesoas ki ta pâpia inglés ku limitason (LEP), surdus i ku difisiênsia na obi, na un línua ki es ta intende, sen ninhun kustu pa es. É bu obligason legal fornese asesu na kes termu di Títlu VI di Lei di Direitus Sivil di 1964, Sekson 1557 di Lei di Proteson di Pasienti i Kuidadus Asesível, di Lei di Merkanus ku Difisiênsia i di otus lei di stadu in federal relevanti.

Modi ki ta Kunpridu kel Responsabilidadi Legal

Kes entidadi finansiadu pa governu federal ten obligason legal di garanti prezensa di un intérpreti kualifikadu òras ki ses servisu ta pididu pa pesoas ki ta pâpia inglés ku limitason (LEP), surdus i ku difisiênsia na obi, pa es podi kumunika na un línua ki es ta intende, sen ninhun kustu pa es. Nhos obligason legal di akordu ku leis di asesu di línua aplikadu, ta inklui traduson di kalker informason i kumunikason skrebedu pa kes línua ki kes populason li ta intende, i ta inklui, djuntu ku otus kuzas, kartas pa pai ku mai, avizus, i konteúdu di sites. Kes traduson li debe fazedu di manera proativu.

Kes servisu debe organizadu, markadu ô dadu ku ajuda dik ujn intérpreti, ki podi ser prezensial ô remotu pa vidui, tilifóni ô otu tipu di teknolojia.

Pa sabe más sobri direitus di asesu di línua i rikizitus legal, bai li:

